



22.10.24

UKA2024/105

## Naqqiut

Siunnersuut 8. august 2024-meersoq taarserpaa

(Makku naqqiutigineqarput - Siunnersuutip normua nutarterpoq.)

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara.

**Soraarningornikut pisortat ingerlataannik angalatitsiviit aqutugalugit akikinnerusumik angalasinnaanerit ukioq naallugu atuutilernissaa aammalu soraarningornikunut billetsit ukioq naallugu killeqanngitsumik pisiassaasinnaanerit aningaasatigut qanoq naleqassanersoq Naalackersuisut misissuinissaannik Inatsisartut aalajangiiffigisassatut siunnersuut. Misissuineq soraarningornikut akikinnermik angalasarnerannut malittarisassat allangortinnissaannik tunngaviliissaaq, kingusinnerpaammilu UPA2025-mi inatsisartunut saqqummiunneqassalluni. (Inatsisartunut ilaasortaq Jens NapätôK, Naleraq)**

### Tunngavilersuut:

Nunatsinni angalaninarneq akisoorujussuusoq tamaavitta ilisimavarput. Air Greenland aammalu Arctic Umiaq Line nunatta tamakkiisumik pigivaat, taamaattumik Naleqqamiit akuerisinnaanngilluinnarparput Naalackersuisut akinik taamak amiilaarnartigisunik akuersaaginnartut.

Nunatsinni isertitakittut inuuniarnermikkullu ilungersortut amerlaqaat. Tamanna aamma soraarningornikunut atuuppoq. Air Greenland ukiut tamaasa millioninik taamannanik sinneqartoortuortoq nuannaarutigineqartuortoq, soorlu ukioq kingulleq 83,4 mio. Kr-inik sinneqartoortut<sup>1</sup> Naleqqamiit isiginngitsuusaaginnarsinnaanngilarput.

Inuk soraarneq ilaquuttat ikinngutillu tikeraarlugit - ukiuugaluarpat, aasaagaluarpat nalliuttorsiorfinniugaluarpat ukioq kaajallallugu akikitsumik angalasinnaasariaqarpoq. Inuk

---

<sup>1</sup> <https://kl.sermitisq.ag/inuussutissarsiutit/naatsorsuutigisamit-air-greenland-sinneqartoorteqarnerunngilaq/2083610>



qanigisani ilaginerugaangamigit ilorrisimaarnerulertartog ilisimatuussutsigut naqissueqattaareernikuvoq.

Taamaattummik inuit soraarnerit soraarnerussutissiaat annikereertigisoq angalasinnaanerat angalatitsiviit pisortanit pigineqartunit Air Greenland<sup>2</sup> kiisalu Arctic Umiaq Line-imi<sup>3</sup> killilersorneqarluni akisunerusumillu ingerlatsimmata paasiuminaappoq.

Soraarnerit taamatut ukioqalernikuullutik inuulluataarfissaraluarat annikilliornermik atugarlionermillu taarserneqarnikoq angalatitsiviit pisortat pigisaat qaavatigut killilersuinerat akuerineqarsinnaanngilaq taamaattumik Naleqqamiit pisisissamisoorsorivarput, sualummik angalaniarneq taamak akisoreertigisoq soraarningornikunut billetsit ukioq kaajallallugu ikilineqaratillu neqeroorutaasinnaanerat Naalakkersuisut misissuissasut.

**Pisortanut aningaasatigut allaffissornikkullu kingunerisassai:**

Misissuineq AC-fuldmægtigip ukumut akissarsiassaasa affaanik naleqassaaq, tassa kr. 250.000

**Namminersortunut aningaasaatigut allaffissornikkullu kingunerisassai:**

Qanorluunniit namminersortunut aningaasatigut iluaqutaassaaq, billetsimmi akikillissusaammata.

**Innuttaasunut aningaasatigut allaffissornikkullu kingunerisassai:**

Innuttaasunut iluaqutaasussamik sunniuteqassaaq, angalasinnaasummi amerlissusaammata.

---

<sup>2</sup> <https://kundeservice.airgreenland.gl/hc/kl-dk/articles/4902392368540-Pensionistitut-akikilliliinerit>

<sup>3</sup> <https://aul.gl/kl/gl-ombord/ilisimassallugit-iluaqutaasut/>